



Մ ՈՒՐՐ Զ ԱԿՈՐ

ԱՌԱՋՆՈՐԴԱՆԻՍ ԱՄՅՐ ԵՒ ԿԵՂԵՅԻ



ԽԱՉԿԵՐԱՅԷՆ ԵՏՔ ԵՕԹԱԵՐՈՐՊ ԿԻՐԱԿԻ

05 ՆՈՅԵՄԲԵՐ 2017

Կիրակնօրեայ Ընթերցումներ	Էջ 1
Ծանուցումներ	Էջ 3

ԸՆԹԵՐՑՈՒՄ

ԵՍԱՅԻ ՄԱՐԳԱՐԷԻ ԳԻՐՔԷՆ

(22.15-25)

Այսպէս կ'ըսէ Տէրը, Երկնային Զօրքերու Տէրը.

« Գնա՛ արքունի հազարապետ Սոմնասի դիւանը մտիր եւ ըսէ իրեն. – Ինչո՞ւ հոս եկած ես, ի՞նչ գործ ունիս հոս, որ այստեղ քեզի գերեզման փորել կու տաս, այս բարձունքին վրայ քեզի ժայռափոր դամբարան կը շինես: Լսէ՛, ո՛վ մարդ, Երկնաւոր Զօրքերու Տէրը քեզ հողկէ պիտի հանէ եւ քաշկուտելով դուրս նետէ. քեզ մեծ եւ անսահման երկիր մը պիտի նետէ եւ հոն պիտի մեռնիս: Քու գեղեցիկ կառքդ անարգանքի առարկայ պիտի ըլլայ եւ իշխանական տունդ՝ ոտքի կոխան: Աստուած քեզ քու պաշտօնէդ եւ քու դիրքէդ պիտի հեռացնէ: Այն օրը պիտի կանչեմ իմ ծառաս, Քեղկիայի որդի Եղիակիմը, եւ քու պատմութեանդ անոր պիտի հազցնեմ, անոր պիտի տամ քու իշխանական պսակդ, եւ անոր պիտի յանձնեմ արքունի հազարապետութիւնը, որպէսզի հօր մը պէս կառավարէ

Երուսաղէմի եւ Յուդայի բնակիչները: Դաւիթի տան վերակացութիւնը անոր պիտի տամ. պիտի իշխէ, եւ ո՛չ ոք պիտի ընդդիմանայ անոր: Իր վճիռները բացարձակ պիտի ըլլան. ո՛չ ոք պիտի կարենայ փակել ինչ որ ինք կը բանայ, եւ ո՛չ ոք պիտի կարենայ բանալ ինչ որ ինք կը փակէ: Զայն իշխան պիտի կարգեմ եւ ամբօրէն հաստատեմ պատին ամրացուած գամի մը պէս, եւ անիկա իր հօրը տան փառքը պիտի ըլլայ: Իր հօրը տան մէջ դիրք ունեցող բոլոր մարդիկը, փոքրէն մինչեւ մեծ իրենց յոյսը անոր վրայ պիտի դնեն եւ իրմէ կախուած պիտի ըլլան. եւ ինչպէս երբ տան մը բոլոր անօթները, փոքր ամաններէն մինչեւ մեծ կաթսաները մէկ գամէ կախուին՝ գամը կը խախտի ու կ'իյնայ, այնպէս ալ, – կ'ըսէ Երկնաւոր Զօրքերու Տէրը, – գամի մը պէս հաստատուած Եղիակիմն ալ պիտի շարժի, պիտի իյնայ ու կործանի, եւ անոր փառքը պիտի կորսուի»: Տիրոջ վճիռն է ասիկա:

ՊՕՂՈՍ ԱՌԱՔԵԱԼԻ
ԵՓԵՍԱՅԻՆԵՐՈՒՆ ԳՐԱԾ
ՆԱՄԱԿԷՆ

(1.1-14)

Ես, Պօղոս, Աստուծոյ կամքով Յիսուս Քրիստոսի առաքեալը, կը գրեմ Եփեսոս բնակող եղբայրներուդ,

Յիսուս Քրիստոսի հաւատացողներուդ: Թող Աստուած մեր Հայրը եւ Տէր Յիսուս Քրիստոս շնորհք եւ խաղաղութիւն պարգեւեն ձեզի:

Օրհնեալ է Աստուած, մեր Տիրոջ Յիսուս Քրիստոսի Հայրը, որ Քրիստոսով մեզ օրհնեց երկինքի մէջ ամէն տեսակի հոգեւոր օրհնութեամբ: Անիկա աշխարհի գոյութենէն իսկ առաջ մեզ ընտրած էր՝ Քրիստոսի միջոցաւ իրեն պատկանելու համար որպէս սուրբ եւ անարատ ժողովուրդ, եւ իր սիրով մեզ նախասահմանեց Յիսուս Քրիստոսի ձեռքով իր որդիները ըլլալու, որովհետեւ ա՛յդ էր իր կամքը եւ ծրագիրը:

Ուստի գովենք զինք այն փառքին համար որ մեզի շնորհեց իր սիրելի Որդիին միջոցաւ: Արդարեւ, անո՛վ փրկուեցանք եւ անոր արիւնով մեր մեղքերուն թողութիւն գտանք: Ո՛րքան մեծ է իր շնորհքը որ առատօրէն տուաւ մեզի՝ ամենայն իմաստութեամբ եւ գիտութեամբ: Որովհետեւ իր կամքին համաձայն մեզի յայտնեց շատ կանուխէն պատրաստած իր ծրագիրը, որ Քրիստոսով պիտի իրագործուի: Եւ այդ ծրագիրը սա է, որ երբ ժամանակները իրենց լրումին հասնին, Քրիստոս իրմով պիտի բովանդակէ ամէն ինչ որ կայ երկինքի մէջ եւ երկրի վրայ:

Աստուած, որ Քրիստոսով ամէն ինչ կը յաջողեցնէ ըստ իր առաջադրած ծրագրին եւ կամքին, առաջուց հրաւիրեց մեզ՝ իր ժողովուրդը ըլլալու եւ իր փառքը գովերգելու. մենք, որ Քրիստոսի յուսացողներուն առաջիններէն եղանք: Դուք ալ, երբ լսեցիք ճշմարիտ քարո-

զութիւնը, այսինքն Աւետարանը որ ձեզի փրկութիւն բերաւ, հաւատացիք Քրիստոսի եւ խոստացուած Սուրբ Հոգիով կնքուեցաք: Եւ Սուրբ Հոգին գրաւական է՝ թէ պիտի ժառանգենք Աստուծոյ խոստումը, եւ որպէս իր կողմէ փրկուած ժողովուրդ՝ իր փառքը գովերգենք:

...երբ լսեցիք ... Աւետարանը որ ձեզի փրկութիւն բերաւ, հաւատացիք Քրիստոսի եւ խոստացուած Սուրբ Հոգիով կնքուեցաք:

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ ԸՍՏ ՂՈՒԿԱՍԻ

(8.17-21)

Մեր Տէր Յիսուս Քրիստոս կ'ըսէ. «Չկայ ծածուկ բան մը որ չյայտնուի եւ կամ գաղտնի բան մը՝ որ չգիտցուի եւ երեւան չգայ: Ուրեմն ուշադիր եղէք թէ ի՛նչպէս կ'ընդունիք այս խօսքերը, որովհետեւ ունեցողին պիտի տրուի, իսկ չունեցողէն պիտի առնուի նոյնիսկ այն՝ ինչ որ կը կարծէ թէ ունի»:

...ունեցողին պիտի տրուի, իսկ չունեցողէն պիտի առնուի նոյնիսկ այն՝ ինչ որ կը կարծէ թէ ունի:

Յիսուսի մայրն ու եղբայրները իրեն եկան, բայց խուռն բազմութեան պատճառով չկրցան իրեն մօտենալ: Լուր տուին իրեն, ըսելով. «Մայրդ եւ եղբայրներդ դուրսն են եւ կ'ողջեն քեզ տեսնել»: Յիսուս ըսաւ. «Մայրս ու եղբայրներս անոնք են որոնք Աստուծոյ խօսքը կը լսեն եւ կը գործադրեն»:

ՀԻՒԱՆԴԱՆԵՐՈՒՄ ԱՅԵԼՈՒԹԻՒՄ

Բարեհաճեցէք հեռաձայնել

Արժ. Տ. Գառնիկ

Ա. Քհնյ. Գոյունեանի.

514 909 5203 քիիին:

ՀՈԳԵՀԱՆԳԱՏԵԱՆ

Ձեր արձանագրութիւնները

ԱՆՏՈՐՕՔ ԿԱՏԱՐԵՅԷՔ ԿԱՊՈՒԵԼՈՎ

ԵԿԵՂԵՃՈՂ ԴԻՒԱՆԱՏՈՒՄ:

Սոյն թերթիւն ե-ԱՊԱԿՈՎ ԱՏԱՆԱԼՈՒ

ՀԱՄԱՐ ՁԵՐ Ե-ՀԱՍՅԷՆ ՈՒՊՐԿԵՅԷՔ

eglise@sourphagop.net

ՏՆՕՐՀՆԷՔ

Տնօրհնէք փափարդ

ընտանիքները,

թող բարեհաճին դիմել

Տ. Գառնիկ Ա. Քհնյ. Գոյունեանի,

հեռաձայնելով

514 909 5203 քիիին:

**ԱՍՏՈՒԱԾԱՀՈՒՆՉԻ
ՍԵՐՏՈՂՈՒԹԵԱՆ
ԵՐԻՏԱՍԱՐԴ ԽՄԲԱԿՆԵՐ**

«ՆՈՐԱՎԱՆՔ»

16-25 տարիքի երիտասարդներու

համար

երկշաբաթական դրութեամբ

Կիրակի առաւօտեան՝

ժամը 9.45-10.45

«ՆԱՐԵԿ»

26-40 տարիքի երիտասարդներու

համար

երկշաբաթական դրութեամբ

Կիրակի առաւօտեան՝

ժամը 10.30-11.30

Հետաքրքրուողներէն կը խնդրուի

կապուիլ դիւանատուն՝

Բրշ. Կարօ Սրկ. Նոխստեանին

514 331 5445 կայան 202

Այժմե՛ք ԵԿԵՂԵՃՈՂՍ ԴԻՒԱՏԵՏՐԻ ԷՋը

եւ ՁԵՐ ՀԱՒԱՆՈՒԹԻՒՄ յԱՅՏԵՅԷՔ (like).

www.facebook.com/SourPhagopChurchMontreal

Այժմե՛ք ԱՁԵ

Ս. ՅԱՎՈՒ ԱՌԱՋՆՈՐԴԱՆԻՍ ՄԱՐ ԵԿԵՂԵՃՈՂ ԿԱՔԷՋը՝

www.sourphagop.net



ՍՈՒՐԲ ԶԱԿՈՒ ԱՌԱՋՆՈՐԴԱՆԻՍ ՄԱՅՐ ԵՎԵՂԵՑԻ

Հովանավորությամբ՝
Գանատայի Հայոց թեմի Առաջնորդ
Գերշ. Տ. Բարգևն Արք. Չարեանի

ՇՆՈՐՀԱՆԴԵՍ՝
«ԹԱՔՆՈՒԱԾ ԳԱՆՁԴ ԳՏՆԵԼ՝
Լուռ Աղօթքի Ճամբան»

գրքին

Հեղինակ՝ Պենինիոս ՕՐուրք
Թարգամանիչ Կարո Սրկ. Նոխուտեան

Գիրքը կը ներկայացնէ:
Գերպ. Գեղարդ Օ. Վրդ. Գիւսպէկեան

Կիրակի, 26 Նոյեմբեր 2017-ի երեկոյեան ժամը 7.00
Սոնթրէպլի Հայ Կեդրոնի «Ահարոնեան» սրահ

Հրատէր՝ բոլորին